

Нет автора

Полное собрание русских летописей

Том 14. Часть 1

УДК 304
ББК 60.5
Н57

Н57 **Нет автора**
Полное собрание русских летописей: Том 14. Часть 1 / Нет автора – М.: Книга по Требованию, 2021. – 158 с.

ISBN 978-5-4241-8834-3

ISBN 978-5-4241-8834-3

© Издание на русском языке, оформление
«YOYO Media», 2021
© Издание на русском языке, оцифровка,
«Книга по Требованию», 2021

Эта книга является репринтом оригинала, который мы создали специально для Вас, используя запатентованные технологии производства репринтных книг и печати по требованию.

Сначала мы отсканировали каждую страницу оригинала этой редкой книги на профессиональном оборудовании. Затем с помощью специально разработанных программ мы произвели очистку изображения от пятен, клякс, перегибов и попытались отбелить и выровнять каждую страницу книги. К сожалению, некоторые страницы нельзя вернуть в изначальное состояние, и если их было трудно читать в оригинале, то даже при цифровой реставрации их невозможно улучшить.

Разумеется, автоматизированная программная обработка репринтных книг – не самое лучшее решение для восстановления текста в его первоизданном виде, однако, наша цель – вернуть читателю точную копию книги, которой может быть несколько веков.

Поэтому мы предупреждаем о возможных погрешностях восстановленного репринтного издания. В издании могут отсутствовать одна или несколько страниц текста, могут встретиться невыводимые пятна и кляксы, надписи на полях или подчеркивания в тексте, нечитаемые фрагменты текста или загибы страниц. Покупать или не покупать подобные издания – решать Вам, мы же делаем все возможное, чтобы редкие и ценные книги, еще недавно утраченные и несправедливо забытые, вновь стали доступными для всех читателей.

забвенія глубина покрыеть, но вмалѣ, писанію предавшє, да извѣстно будетъ всѣмъ и въ вѣчныя роды, о немъ же нынѣ разумъ писанія изъясляетъ.

Бысть убо, глаголю, во время, како убо бысть и въ которое время, егда убо благочестивая и православная христіанская вѣра въ Велицей Росіи паче солнца сіяющи^а и своя свѣтозарная луча во всю вселенную испущающе, якоже глаголетъ Пророкъ, отъ моря и до моря и отъ рѣкъ до конецъ вселенныя слава ея простирашєся, и благочестивыхъ и крестonosныхъ христіанскихъ царей Рускія державы скипетродержавство велелѣпнѣ цвѣтуще, и благородный царскій корень многими лѣты непремѣннѣ влечашєся отъ великого Августа кесаря Римского, обладающєго всею вселенною, якоже исторія повѣдаетъ, и до самого святаго сєго царствія богохранимыя державы великого Російского государства благовѣрнаго и христолюбиваго царя и великого князя Федора Ивановича всеа Русіи. Той же убо благочестивый царь и великій князь Федоръ Ивановичъ всеа Русіи сынъ бѣ преименитого государя и храброго царя и великого князя Ивана Васильевича всеа Русіи, царствовавшаго въ Велицей Росіи 49 лѣтъ и мѣсяць 9 на престолѣ приснопамятнаго отца своего великого князя Василя Ивановича всеа Русіи и дѣда своего великого князя Ивана Василюевича всеа Русіи. Той же убо благочестивый царь и великій князь Иванъ Васильевичъ всеа Русіи бѣ разумомъ и мудростію украшенъ и въ храборскихъ побѣдахъ изряденъ и къ бранному ополченію зѣло искусенъ и во всѣхъ царскихъ исправленіяхъ достохваленъ явися, великія изрядныя¹ побѣды показа и многія подвиги по благочестію совершивъ, царскимъ своимъ бодроопаснымъ правленіемъ и многою премудростію не токмо всѣхъ сущихъ богохранимыя державы своя въ страхъ и въ трепетъ вложи, но^б вся окрестныя страны невѣрныхъ языкъ, слышаще царское имя его, съ великою боязнію трепетаху; прочая же его царского исправленія добродѣтели слово индѣ изъяситъ. Тогда^в же убо благовѣрный царь и великій князь Иванъ Василюевичъ всеа Русіи преиде въ пятьдесятъ третье лѣто возраста своего, случися ему велія болѣзнь, въ нейже проувидѣвъ свое къ Богу отшествіе, воспріятъ великій ангельскій образъ и нареченъ бысть во иноцѣхъ Иона, и посемъ вскорѣ² остави земное царство, ко Господу отъиде лѣта 7092-го, Марта въ 19 день; и по преставленіи своемъ вручивъ превеликій скипетръ Російскаго самодержавнаго царствія и свой великій царскій престолъ предасть благородному сыну своему благочестивому и христолюбивому царю и великому князю Федору Ивановичю всеа Русіи. Царь же и великій князь Федоръ Ивановичъ всеа Русіи по преставленіи приснопамятнаго отца своего царя и великого князя Ивана Василюевича всеа Русіи Божіимъ изволеніемъ и отеческимъ благословеніемъ пріемникъ бываетъ³ царского престола всеа великія Росіи; возведенъ же бысть и вѣнчанъ царскимъ вѣнцемъ преосвященнымъ митрополитомъ всеа Русіи кир-Діонисіемъ, иже въ та лѣта содержаша кормило великія и каеоліческія церкви пречистыя Богородицы чеснаго и славнаго Ея Успенія и содержаше престолъ великихъ чудотворцовъ Петра и Алексѣя и Іоны внутри царствующаго града Москвы; бѣ же тогда благочестивый⁴ царь и великій князь Федоръ Ивановичъ всеа Русіи яко лѣтомъ...⁵ Сей^г убо благочестивый самодержецъ праведный и досточюдный и крестonosный царь и великій князь Федоръ Ивановичъ всеа Русіи древнимъ бо^а царемъ благочестивымъ равнославенъ, нынѣшнимъ же красота и свѣтлость, будущимъ же сладчайшая повѣсть и слуха благое наслажденія, не токмо единыя Російскія богохра-

1) изрядныя НТ. 2) скорє Н. 3) въ Н было написано бываетъ бысть, но бысть зачеркнуто; въ Б изъ бываетъ поправлено бысть; въ Т изъ бысть поправлено бываетъ. 4) благочествыи Н. 5) здѣсь въ БТ небольшой пробѣлъ для цифры.

а) сияюща В. б) но и В. в) гда В. г) еи В. д) убо В.

нимья державы, но * всея подсолнечныя пречестнѣйши быти явися, аще бо отъ царьскія своея юности исполнѣвъ сый и духовныя мудрости. Еще бо отъ царьскія своея юности исполнѣвъ сый духовныя мудрости¹, аще бо и безчисленными изрядными и многоцѣнными красными вѣка сего обимаемъ бѣ, ни о единомъ же ихъ прилежнѣ внимал, ниже о сихъ когда веселя, точію о памяти Божіей² и о³ всѣхъ добродѣтелѣхъ³ попеченіе имы, и не еже бо памятовати³ ему житейскихъ сихъ многоцѣнныхъ и красныхъ и къ симъ вседушно пригвоздится, но жалая ото всѣхъ Содѣтеля и Промысленника вѣчныхъ благихъ насладитися и небесного царствія сподобитися. Кто убо доволенъ по достойнїю явится сказати яже благочестиваго сего царя достохвалное добродѣтелемъ исправленіе? или кто дерзнетъ коснуться повѣсть составить о святѣмъ его житїи? аще бы и превсочайшего Російскаго царствія честный скиеетръ содержаше, но Богу повсегда умъ свой вперяше и душевное око бодренно и неусыпно храняше и сердечную вѣру выну благими дѣлы исполняше; тѣло же убо свое повсегда удручаше церковными гнѣни и дневными правилами и всенощными бдѣни и воздержаніемъ и постомъ, душу⁷ же свою царскую умащая поученіемъ божественныхъ глаголь и вниманіемъ⁴, и благихъ нравъ удобрѣніе украшая прилежно.

Нинѣ же наки слово помянути хоцетъ и другая его царская достохвалная исправленія, да⁴ не предана будетъ забытію словеси⁵, иже памяти достойна. Еже быша въ лѣта приснопамятнаго отца его благочестиваго царя и великаго князя Ивана Васильевича всеа Русїи нечестивы Болгари, иже близъ Русїи⁶ пребывающе, живуще по рѣцѣ глаголемей Волзѣ, во мнозѣхъ лѣтахъ приходяще на предѣлы Русїйскаго его государства и многія пакости дѣюще православнымъ христїаномъ, брани составляюще и плѣнующе непрестанно: по вся лѣта воеваху⁶ и православнаго христїанства кровь, яко рѣчныя⁷ быстрины, изливашеся, мнози же православни христїане отъ нечестивыхъ побіени быша, ови⁸ же въ плѣнъ отведени и многія и различныя муки претерпѣша. Царь же и великій князь Иванъ Васильевичъ всеа Русїи въ лѣто 7061-го, видѣвъ нечестивыхъ богомерское озлобленіе, подвижесе на нечестивыя, поиде во мнозѣ силѣ и градъ ихъ великій Казань взять, предѣлы ихъ Казанскія вся поплѣни и многое множество нечестивыхъ Болгаръ⁹ погуби, оставшихъ же отъ плѣна всѣхъ подъ свою подъ царскую десницу покори. Не по мнозѣхъ лѣтахъ по семъ бранномъ ополченїи Божїими судьбами¹⁰ царь и великій князь Иванъ Васильевичъ всеа Русїи ко Господу отъиде, по немъ же достохвалный сынъ его благочестивый сей царь и великій князь Феодоръ Ивановичъ всеа Русїи царствія скиеетръ приемятъ, якоже и преже явлено бысть; нечестивїи же Болгари гордостїю бѣсовскою возношахуся, наки на благочестїе встають и пришедше на предѣлы Росїйскаго государства, якоже и преже, плѣнующе намнозѣ. Видѣвъ же сія преблагїй челоувѣколюбивый Богъ нашъ и не остави до конца погдбнути наслѣдію христоименитаго званія, вложи въ сердце благочестивому царю¹ и великому князю Феодору Ивановичю всеа Русїи, яко да православное христїанство отъ нечестивыхъ насилванія исторгнетъ. Благочестивый же царь, истинный рачитель благочестїя, слышавъ сія, божественною ревностїю разжегся, повелѣ изрядному своему правителю Борису Феодоровичю послати многое свое воинство на нечестивыя Болгары¹¹. Достохвалный же правитель Борисъ Феодоровичъ вскорѣ повелѣніе благочестиваго царя исполняетъ, собираетъ многое христолюбивое воинство и воеводы

1) слова еще бо отъ царьскїе... мудрости въ Н находятся въ текстѣ, а въ БТ приписаны на поляхъ.
2) бжїе Н. 3) памявати Н. 4) де Н. 5) словеси Н. 6) воевахъ Н; воевахъ БТ. 7) рѣчныя поправлено изъ реченные въ Н.

а) но и Б. б) божией но Т. в) добродителѣхъ БТ. г) дше Т. д) внимаемъ БТ. е) руси БТ. ж) ови БТ. з) болгаръ Т. и) судмами Т. і) царю дважды въ Т. к) болгары Т.

искусные имъ поставляеть и въ велицей силѣ, изооруживъ, на Болгары посылаетъ. Воинство же благочестиваго царя, пришедше въ предѣлы Болгарскія области и тамо мнозѣ плѣнующе, воеваше, и Божимъ пособіемъ нечестивы побѣжени быша и мнози отъ нихъ остріемъ меча падоша. Они же, видѣвше христоролюбиваго воинства храброе ополченіе и невозвратное¹ устремленіе и свою погибель предъ очима зряще, вскорѣ ко благочестивому царю рабское покореніе принесше; царь же и великій князь Федоръ Ивановичъ всеа Русіи повелѣ многія грады своя въ предѣлѣхъ ихъ поставити, и оттуду же царьскимъ его благостройнымъ правительствомъ вся страны Болгарскія въ велицемъ покореніи и въ рабскомъ послушаніи подъ его царскою десницею и доселѣ пребываютъ. Не точію же сія нечестивыя Болгары подъ свою царскую десницу покори и послушни во вѣки сотвори, но и Сибирскую страну всю и живущихъ въ ней злочестивыхъ сыродцевъ себѣ рабы сотвори и всею землею ихъ облада, и многія отъ нихъ своя царскіе уроки и дани по вся лѣта пріимая, и тамо нечистыя и² бѣсовскія службы вся разоривъ и грады многія возгради и православными христіяны вся насѣи, божественныя церкви созда и благочестіе веліе царьскимъ его правленіемъ устрои, даже и доннынѣ непремѣнно пребываютъ.

Къ симъ же и прочая царскія добродѣтели да неумолчныя будутъ: зѣло бо бѣ нищелюбивъ, вдовица и сироты милуяй³, паче же священнической и иноческой чинъ велики почитая и пространною милостынею повсегда удовляя. И толику ревность по благочестіи показа: не токмо во всей державѣ богохранимаго его царствія, но и во всю вселенную непремолчная слава благочестія его, яко солнечныя луча, простирашеса, и толма милостивъ бѣ, яко не точію⁴ въ своей богохранимой державѣ пространною милостынею требующимъ подавая, но и въ далныя страны земля, яко нескудная рѣка, повсегда изливашеса. Глаголю же, во Святую гору Аѳоня и во Александрію и въ Ливію и въ Великую Антіохію и во вся святая мѣста, даже⁵ и до самого Божія града Иерусалима, пространная милостыня по вся лѣта отъ него посылашеса. Изыде же слухъ о⁶ его благочестивомъ добродѣтельномъ исправленіи и до самого царствующаго Костянтинаграда и вниде во уши святѣйшаго патріарха киръ-Иерѣмея. Той же убо патріархъ Иерѣмей, слышавъ сицева благовѣрнаго царя Федора Ивановича всеа Русіи добродѣтельное исправленіе и великое благочестіе, вскорѣ подщася преитти толики долгій и скорбный путь, приде въ великую Росію, жалая видѣти великія христіянскіе соборныя церкви изрядное украшеніе и благовѣрнаго царя Федора Ивановича великое благочестіе. Якоже и древле Южеская⁷ царица Сивилла приходяще отъ востокъ во Иерусалимъ, хотя видѣти премудрость Соломанову⁸, такоже и сей свѣтѣйшій патріархъ Иеремей, велію ревностію о благочестіи распалася, отложивъ многолѣтнюю старость⁹ и забывъ великій трудъ, вскорѣ ко благочестивому царю и великому князю Федору Ивановичю всеа Русіи приходитъ, яко нѣкій добрый купецъ, несый съ собою не злата богатства, ниже драгихъ камыковъ¹⁰ честности, но самое неистоимое духовное сокровище благодати безцѣннаго бисера Христа или, яко нѣкій пречестный даръ, великаго патріаршества санъ. Престолю же тогда великія Рускія митрополія содержашеса пресвященнымъ киръ-Иевомъ митрополитомъ всеа Русіи. Царь же и великій князь Федоръ Ивановичъ всеа Русіи съ великою любовію и неизреченною радостію патріарха Иерѣмея пріемлетъ и достойную честь святителству его воздаеть, отъ него же миръ и благословеніе пріемлетъ и своими царскими многими потребами его по вся дни удовляя. Посемъ же

1) въ Н изъ невозбранное поправлено невозвратное. 2) милуяй Н. 3) не прочію Н. 4) даиже Н. 5) страсть Н. 6) камыковъ во встѣхъ списашъ.

а) и нѣтъ въ БТ. б) отъ Т. в) изъ юже сказая поправлено южеская БТ. г) соломанову Б.

благочестивый царь и великий князь Феодоръ Ивановичъ всеа Русіи совѣтъ свой царской съ патріархомъ Иеремѣемъ полагаетъ, да поставитъ въ Велицей Росіи въ его богохранимой державѣ патріарха по правиломъ святыхъ Апостолъ и святыхъ Отець. Патріархъ же, слышавъ совѣтъ благочестиваго царя, зѣло удивися царскому великому благочестію желанію и нача помышляти въ себѣ како устроить на престолѣ Рускія митрополіи патріарха, поминая преданія святыхъ Апостолъ и заповѣди святыхъ Отець, яко четыремъ токмо быти патріархомъ: въ Велицей Антиохіи и во Иерусалимѣ и въ Костянтинѣградѣ и во Александрѣи, пятому быти палѣ въ Римѣ. Извѣстно бо вѣды ^а, яко Римскій папа многими лѣты благочестія отлучися и христіанскіе истинные вѣры отпаде, ово же помышляя, яко нынѣ царствующій Костянтинѣградъ невѣрными обладаемъ и благочестивая вѣра ими ненавидима бываетъ, и многіе брани на благочестіе повсюду устрояють, въ Велицей же Росіи видѣвъ толикое православіе, многими лѣты цвѣтуще, яко солнце на тверди небесней сіяше, ноипаче же пречестнѣйши сего узрѣ и самую Матери Божія Слова церковь, неизреченною лѣпотою украшену, и въ ней многія священныя вещи и всякія святыни въ различныхъ и многообразныхъ потребахъ устрояема, иже въ похвалу и славословіе вседержителю Богу и пречистой Богородицѣ и всѣмъ святымъ, и видѣвъ пречестныя и златоконныя раки, въ нихъже яко нѣкое многоцѣнное сокровище лежаше, многоцудесныя и цѣлбоносныя мощи великихъ чудотворцовъ Рускихъ митрополитовъ Петра и Алексѣя и ^б Ионы, многими лѣты ничимъ невредимы, и благочестиваго царя и великаго князя Феодора Ивановича всеа Русіи теплое рачительство и вѣру къ Богу и великое прилежаніе и многое попеченіе, еже имѣя о исправленіи всего благочестиваго народа православнаго христіанства, — зѣло удивися о семъ и хвалу воздавъ всемогущему Богу и упованіе положи на Его превеликихъ щедротъ милость и поставляетъ въ Велицѣ ^в Росіи патріарха на Рускую митрополію бывшаго тогда митрополита Иова въ лѣто 7097-го, нарицаая его быти четвертому патріарху; вмѣсто же папино Констянтинополскій патріархъ оттуду начатъ нарицатися. Царь же о семъ зѣло возрадовася и его превеликою честию потчте и многоцѣнными великими дары одаривъ, не по мнзѣ времени съ великою честию отпустивъ его во Царьградъ. И егда убо патріархъ ^г Иеремей достиже царского града, собираетъ все свое христоименитое стадо православнаго христіанства и съ велицемъ удивленіемъ начатъ повѣдати, елико видѣ въ Велицей Росіи ^д благочестивыя христіанскія церкви Греческаго закона пречюдное украшеніе и царское изрядное благочестіе и всѣхъ православныхъ христіанъ божественныхъ догматъ исправленіе; къ сему же и многоцѣнныя дары показуя, иже пріять отъ руки благочестиваго христіанскаго царя и великаго князя Феодора Ивановича всеа Русіи; по сихъ же возвѣщаетъ всѣмъ и патріаршеское иже въ Велицей Росіи поставленіе. Они же, слышавше таковое благочестіе, въ Велицей Росіи просіявшее, нача со слезами благодарити всемилостиваго Бога, глаголя: «щедрый и милостивый Боже! вся строя на ползу всѣмъ вѣрующимъ въ Тебе, единаго истиннаго Бога, яко утвердилъ еси толикое благочестіе въ послѣднемъ нашемъ родѣ въ земли благочестивыя Рускія державы, такоже, премилостивый Боже, сотвори съ нами древнюю свою милость и не предаждь въ поношеніе врагомъ достоянія твоего! Ты бо еси Богъ нашъ, мы же люди твои и овца пажити твоя, и сохрани, Владыко, церковь и люди своя невредены отъ всѣхъ навѣтъ вражнихъ, да не рекуть супротивніи наши: гдѣ есть Богъ ихъ? Ты бо еси Богъ нашъ, творяй чудеса, единъ». По сихъ же патріархъ Иеремія восписуетъ ко всѣмъ тріемъ патріархомъ, во Александрѣю

а) вѣды БТ. б) и нѣтъ въ Б. в) велицей Б. г) пратріархъ Т. д) роси Б.

и во Антіохію ¹ и во Иерусалимъ, возвѣщая, еже како бывъ въ Велицей Росіи и тамо патріарха постави на престолъ Рускія митрополіи, да воспишуть къ нему согласная и соединительная писанія за своими руками, еже быти въ Велицей Росіи патріаршескому престолу во вѣки и къ тому не требовати поставленія отъ Костянтинопольскія церкви патріарха, но своими ему митрополиты въ Велицей Росіи и поставлятися. Они же, прочеть писаніе, вскорѣ препослаша, яко достойно быти патріарху въ Велицей Росіи, въ таковѣ благочестіи сіяюще, и митрополиты и архіепископы и епискупы коегождо ² ихъ предѣловъ православныхъ вси къ писаніемъ патріаршескимъ руки свои приложиша. Сіе же согласное написаніе тріехъ патріарховъ съ прочими своими митрополиты и архіепискупы и епискупы святѣйшій патріархъ Иеремія вскорѣ посылаетъ въ Великую Росію къ благочестивому царю и великому князю Федору Ивановичю всеа Русіи, моля его и глаголя: «Пріими, о великій самодержавецъ и крестоносный царю, истинныя православныя вѣры теплый рачителю и непреклонный крѣпкий ³ поборниче, сіе отъ насъ твоему благочестивому царствію духовное дароприношеніе, еже отъ насъ нынѣ принесеса въ славу святыхъ и живоначальныхъ Троицы и въ честь пресвятѣй Владычицы нашея Богородицы и великихъ чудотворцовъ Рускихъ и въ достоинство похвалъ твоего самодержавного благочестія, да будетъ престолъ патріаршескій въ твоей богохранимой державѣ во вѣки. Видѣвъ бо преблаги ⁴ Богъ нашъ толикое твое достохвалное раченіе и вѣру несумѣнну, юже имать царское твое благородіе о исправленіи всего православного благочестія, и подасть ти даръ възждельственъ по желанію твоему, устройвъ престолъ великого сана патріаршества нашимъ смиреніемъ. И да будетъ сіе соединительное написаніе о Святѣмъ Дусѣ брату и сослужебнику нашего смиренія, вашему же о Святѣмъ Дусѣ отцу и богомолцу Иеву патріарху на утверженіе святителству его и по немъ сущимъ патріархомъ всѣмъ во вѣки». Слышавъ же сія благочестиваго царя добродѣтельное ⁵ исправленіе и во всѣхъ странахъ невѣрныхъ языкъ, Иудеи же и Еллины, Скиои же и Латыня и Аравитія ⁶ и Бесермеви, не точію прости, но и сами царюющіи ⁷,— во всю бо землю, по Пророку, изыде слава о немъ и въ конца вселенныя его благочестіе простирающеса,—мнози убо оставляюще свою злоскверную прелесть и ихъ злочестивую и богомерскую вѣру проклинающе и со мноземъ студомъ отречающе, ко благочестивому его царствію богохранимыя державы съ великимъ тщаніемъ приходяще и со мноземъ моленіемъ и ревностію правую нашу христіанскую вѣру пріяти желающе и во Христа вѣрвати непрелестна хотяще. Онъ же великій самодержецъ и благочестивый царь во всемъ, яко чадолюбивый отецъ, являшеса и своея щедрныя милости всѣмъ неоскудную руку помощи простирая, овѣмъ убо великая села и многая стяжанія во одержаніе подавая, овѣмъ же веледарными даяніи презельнѣ обогащая.

Въ ⁸ лѣто же благочестиваго его царствія управляя и строя подъ нимъ богохранимую державу шуринъ его слуга и конюшей бояринъ Борисъ Федоровичъ Годуновъ. Бѣ же убо той Борисъ Федоровичъ ⁹ зѣло предизрядною мудростію украшенъ и саномъ паче всѣхъ и благимъ разумомъ превосходя, и пречестнымъ его правительствомъ благочестивая царская держава въ мирѣ и въ тишинѣ велѣлѣннѣй ¹⁰ цвѣтуще; и многая тщанія показа по благочестіи и великъ подвигъ совершивъ о исправленіи богохранимыя царскія державы, яко и самому благочестивому самодержцу царю и великому князю Федору Ивановичю всеа Русіи

1) антиохію Н. 2) коегождо Н; коегождо Б. 3) царюющимъ НТ. 4) въ Н было притисано и стерто годуновъ.

а) крепкий БТ. б) преблагии БТ. в) добродителное БТ. г) аравия Б. д) въ нѣтъ въ Б. е) велѣлѣннѣ БТ.

дивитися превысокой его мудрости и храбрости и мужеству. И не точию во своемъ царствѣ Рускія державы изыде слухъ, но и по всѣмъ странамъ невѣрныхъ языкъ проиде слава о немъ, якоже² никтоже инъ обрѣтесе въ та лѣта во всемъ царствѣ Рускія державы подобенъ ему храбростию и разумомъ и вѣрою, яже къ Богу. И отъ многихъ странъ языческихъ царей приходяще по славѣ къ царю и великому князю Феодору Ивановичю всеа Русіи в дары многоцѣнными, рабское поклоненіе и достойную честь царскому его величеству воздающе и тому изрядному правителю царскіе богохранимыя его державы, пресвѣтлой красотѣ лица его и премудрости разуму его чюдящесе; и возвращесе во своя страны, со удивленіемъ превеликую добродѣтель повѣдающе. Сей же изрядный правитель Борисъ Феодоровичъ своимъ бодроопаснымъ правительствомъ и прилежнымъ попеченіемъ по царскому изволенію многи грады камены созда и въ нихъ превеликіе храмы въ славословіе Божіе возгради и многіе обители устрои, и самый царствующи богоспасаемы⁶ градъ Москву, яко нѣкую невѣсту, преизрядною лѣпотою украси: многія убо въ немъ прекрасныя церкви камены созда и великіе полаты устрои, яко и зрѣніе ихъ великому удивленію достойна; и стѣны градныя окрестъ всея Москвы превеликіи камены созда и величества ради и красоты проименова его Царьградъ; внутрь же его и полаты купеческіи созда во упокоеніе и снабденіе торжникомъ; и ина многа хваламъ достойна въ Рускомъ государствѣ устроить. Протчая же добродѣтели пространное индѣ слово изъяснить, мы же къ повѣсти слово подвигнемъ и на предлежащее возвратимся.

Въ седмое же лѣто богохранимыя державы благочестиваго царя и великого князя Феодора Ивановича всеа Русіи тогда быша нѣкіи грады царского его достоянія Корелскія области навѣтуемыи и озлобляемыи отъ нечестивыхъ Латынь, иже нарицаютца Германе. Видѣвъ же благочестивый царь свое царское достояніе и отеческое наслѣдіе, ото многихъ лѣтъ невѣрными обладаемое, къ себѣ возвратити и, яко нѣкихъ волковъ, губящихъ стадо Христово, далече отгнати, паче же и самъ изрядный правитель Борисъ Феодоровичъ велию ревностию по благочестіи разгараяся¹, и по благому изволенію благочестиваго царя вскорѣ собираетъ многое христіюлюбивое войнство и посылаетъ въ предѣлы Нѣмецкія области, не яко да ихъ плѣнити, ниже грады до основанія разорити, но симъ паче нечестивыхъ въ страхъ и въ трепеть вложить, да поне² сіи³, мало убоаяся нечестивіи толикого множества ратныхъ нашествіе, благочестиваго царя отеческое наслѣдіе и отторженныя³ грады безъ крове паки къ нему возвратятъ. Злочестивыи же Германе со христіюлюбивымъ войнствомъ благочестиваго царя брань немалу поставляютъ. Видѣвъ же великій самодержецъ жестокое ихъ и непокорное скверное сердце и сопротивное ополченіе, равностию велию по благочестіи разгараяся, самъ подвижесе со многою ратию христіюлюбиваго своего войнства и въ помощь призва челоувѣколюбца Бога и пречистую Богородицу и великихъ чюдотворцовъ и благословеніе приеъмъ ото отца своего и богомолца Иева патриарха и всего вселенского собора, и поиде на нечестивыя Нѣмцы, ополчився во мнозѣ силѣ, моля въ себѣ и глаголя: «суди, Господи, обидящимъ мя и возбрани⁴ борющимсяъ мя со мною и помози ми, Господи, якоже древле Моисею на Аммалика и пражду моему великому князю Александру, на окоянныхъ сія нечестивыя Нѣмцы». Егда прииде во свое отечество въ Великій Новградъ, тамо убо преосвященный митрополитъ Александръ, иже содержаше въ то время кормило великія соборныя

1) разгараяся Н. 2) во всѣхъ стискахъ было да по нем, но въ НТ исправлено. 3) оторженныя Н. 4) вобрани Н.

а) яко Б. б) богоспасаемыи Б. в) си БТ.

церкви Соѣѣи Премудрости Божіаго Слова въ Велицемъ Новѣградѣ, и со всѣмъ освященнымъ соборомъ и всенародное множество съ великою радостію срѣтоша и царскому его величеству раболѣпное поклоніе и достойную честь воздающе. Тутю же благочестивый царь и великій князь Феодоръ Ивановичъ всеа Русіи паки христіолюбиваго своего воинства тмочисленные^а полки устрояетъ и благоразсудныя имъ воеводы поставляетъ и на подвигъ всѣхъ къ бранному ополченію поощряетъ, аще и до смерти за имя Христова пострадати повелѣваетъ и свое царское жалованье всѣмъ обѣщаетъ; съ ними же и многіе стѣнбытныя пушки, всякіе хитросодѣнныя вещи къ разоренію градовомъ предпослати повелѣваетъ, не точію хотя еже бранію сею многое кровопролитіе сотворити, но невѣрныхъ на благочестіе премѣнити. Самъ же во своемъ отечествѣ въ Великомъ Новѣградѣ посемъ немноги дни пребывъ, непрестанныя молитвы повсегда Богови возсылая и, рупцѣ горѣ воздѣвъ, на помощь всесилнаго Бога призывая, и непобѣдимага воеводу пречистую Богородицу въ помощь ратныхъ поставляя, и великихъ чюдотворцовъ непрестанно умоляя, да на сопротивныхъ помогутъ и безъ крове побѣду устроятъ. Оле крѣккія и твердыя дерзости и мужества! оле благія царскія душа неуклонное ко всѣмъ милосердіе! оле благаго произволенія и умышленія неотложного избавленія ради христіанска! Посемъ же благочестивый царь приде въ Нѣмецкую область подъ градъ, нарицаемы Ругодивъ, и начатъ ко граду съ великою бранною хитростію приступати. Видѣвше же нечестивіи сущіи во градъ благочестиваго царя храброе ополченіе и многое воинское собраніе, къ бранному^б подвигу неложное устремленіе и граду своему конечное разореніе, и во ужасъ себе влагаютъ, вскорѣ своя надежды отпадаютъ, и великій страхъ нападе на нѣ: прислапа ко благочестивому царю нѣкихъ отъ града сущихъ, моленіе царю предпосласта и ослабы отъ брани просяще, и^в царское его отечество обѣщаютца безъ крови паки къ нему возвратитися. Благочестивый же царь и великій князь Феодоръ Ивановичъ всеа Русіи, видѣвъ рабское ихъ покореніе, въ той часъ повелѣ ратнымъ отъ града отступить и отъ^г брани повелѣ престати и яростное стремленіе ратныхъ повелѣ удержати^г и посланныхъ отъ града повелѣ о семъ истязати, аще не лестію обѣщаютца и истинною покоряютца. Тогда же нечестивіи обѣтъ свой вскорѣ исполняютъ и градъ свой, Иванъ нарицаемый, къ сему же и прочіи два, Копорью и Яму, благочестивому царю безъ закоснѣнія предають. Онъ же благочестивый самодержецъ вскорѣ повелѣ Иванъградъ отъ нечестивыхъ истребити и всякихъ Еллинскихъ богомерскихъ гнусовъ повелѣ очистити, и божественныя церкви въ немъ поставляти устрояетъ, и своего царского синклита нѣкоего отъ бояръ^д въ снабденія града воеводствомъ поставляетъ; во грады же Копорью и Яму такоже послаше избранныхъ воеводъ своихъ и съ ними многое воинство, да и тамо же^е такоже грады отъ нечестивыхъ очистятъ. Самъ же благочестивый царь не по мнзѣхъ днѣхъ возвратися во свое царское достояніе съ великою и славною побѣдою и приде во свое отечество въ Великій Новгородъ^ж. Преосвященный же митрополитъ Великого Новаграда Александръ и весь освященный соборъ съ честными и животворящими кресты и съ чюдотворными^з иконами и всенародное можество изыдоша во срѣтеніе^з ему, хвалу Богу возсылающе и благодарныя пѣсни о побѣдѣ его воспѣвающе: пособивый Господи кроткому Давыду побѣдити иноплеменники, сице и сему благочестивому царю нашему побѣду на сопротивныхъ и одолѣніе дарова. Благочестивый же царь и великій князь Феодоръ Ивановичъ всеа Русіи

1) о Н. 2) чюдотворны Н. 3) сретени Н.

а) тмочисленные БТ. б) слова и многое воинское собраніе к бран *зачеркнуты* въ Т. в) и *зачеркнуто* въ Т. г) удержати *дважды* въ Т. д) бояръ БТ. е) же *нѣтъ* въ БТ. ж) новград БТ.

немного время тамо пребывъ и свое христоролюбивое воинство овѣхъ убо отпусти кождо во свояси, овѣхъ же остави въ Велицемъ Новѣградѣ, самъ же поиде во свой великій царствующій градъ Москву. Слышавъ же сія святѣйшій Иевъ патриархъ, яко благочестивый царь къ царствующему граду уже приближашеся, собираетъ весь освѣщенный вселенскій соборъ, и приѣмлютъ честныя и животворящія кресты и чудотворныя иконы Вседержителя^а Бога и Того пренепорочныя Матерѣ Владычицы нашея Богородицы и великихъ чудотворцовъ и изыдоша во срѣтеніе благочестиваго царя, молебная совершающе. Егда же прииде благочестивый царь въ царствующій градъ Москву, и вниде въ соборную церковь пречистыя Богородицы честнаго и славнаго Ея Успенія и припадаетъ ко образу пречистыя Богородицы; иже нарицаетца Владимирская, и умиленія глаголы съ плачемъ къ Ней испущающе: «О^б пречистая Госпоже Дѣво Богородице Владычице², крѣпкая стѣна и заступница царствію нашему и всему нашему воинству непобѣдимый воевода! Тобою, Владычице, супротивніи наши побѣждаются и брани повсюду разсыплютца: Ты, Владычице нынѣ не престай молящи сына своего Христа Бога нашего, яко да устройтъ царствіе моея державы въ мирѣ и въ тишинѣ и возвратитъ отъ невѣрныхъ древняя грады наслѣдія нашего, яко да и тамо³ прославитца въ нихъ по достоинству пресвятое и поклоняемое имя Его со Отцемъ и со Святѣмъ Духомъ во вѣки, аминь». Посемъ^б же благочестивый царь и великій князь Федоръ Ивановичъ всеа Русіи отъ патриарха Иева благословеніе приѣмлетъ, возвѣщая ему, како Божією помощію и пречистыя Богородицы и великихъ чудотворцовъ молитвами и заступленіемъ невѣрныя язъци побѣдишася и отеческія грады паки къ нему возвратишася. Патриархъ же, слышавъ сія ото устъ благочестиваго царя, зѣло возрадовася со всѣмъ священнымъ соборомъ и хвалу воздавъ всемогущему премилостивому Богу, побѣдное словословіе приносяще, глаголя: «Кто Богъ велий яко Богъ нашъ? Ты еси Богъ творай чудесная единъ; дивенъ еси, Господи, и вся дѣла твоя истинна и правія пути твои, яко строиши вся на ползу по своему смотрѣнію къ нашему спасенію. Благодаримъ же и о семъ великое челоувѣколюбіе твоего благоутрѣбія, яко предалъ еси въ рудѣ благочестивому царю нашему невѣрныя язъци незнающихъ Тебе, истиннаго Бога нашего, сихъ же изгналъ еси и вѣрными грады ихъ населилъ еси, въ нихъже непрестанно славится твое пресвятое имя, яко благословенъ еси во вѣки, аминь». По сихъ же патриархъ глаголя благочестивому царю: «о великій государь боговѣнчанный царь и великій князь Федоръ Ивановичъ всеа Русіи! во-истинну еси ты равенъ явился православному первому во благочестіи просіявшему царю Костянтину и прародителю своему великому князю Владимиру, просвѣтившему Рускую землю святѣмъ крещеніемъ: они же убо кождо во свое время идолы поправше и благочестіе воспріяша; ты же нынѣ, великій самодержце и истинный рачителю благочестія, не единехъ идолъ сокрушая, но и служащихъ имъ до конца истребляя. Твоимъ же неуклоннымъ къ Богу желаніемъ и великою вѣрою вся благая тебѣ даровашеся: которые грады православныхъ самодержавнаго вашего царствія во дни преже тебе въ Велицей Росіи царствовавшихъ невѣрными отъ благочестія быша отторжены и многими лѣты быша невѣрными обладаема, нынѣ же твоимъ самодержавнымъ правленіемъ вся православными⁴ населяема. Идѣже быша Ельинская капища, тамо нынѣ божественныя церкви; идѣже быша скверныя службы, тамо нынѣ безкровныя жертвы; идѣже быша бѣсовскія козни, тамо нынѣ богодухновенныя пѣсни; идѣже дьяволъ велича-

1) от Н. 2) госпоже богородице дѣво владычице было въ Н, но исправлено; госпоже дѣво владычице богородице БГ. 3) томо Н. 4) прославными Н.

а) вседержи зачеркнуто въ Т. б) осемъ Б.

пешя, тамо нынѣ Христосъ прославляетца; идѣже Ельлини водворястася, тамо нынѣ твое царское имя во мнозѣ славѣ обношашеся». Царь же и великій князь Федоръ Ивановичъ всеа Русіи исполни моленіе свое, отъиде въ царскія своя полаты.

Мало же посемъ времени¹ минувшу, яко двою лѣту или мало вяще, паки злочестивіи Нѣмцы лукавствіемъ побѣжахуся и гордостію возношахуся, помышляють совѣты, ихъже не возмогша составити. Оле безсрамнаго и безстуднаго² ихъ лицемѣрія! Беззаконіе убо къ беззаконію приложиша, совокупиша силу многу сія, суемысліемъ шатающеся, глаголаху: «пойдемъ на предѣлы Великого Новаграда, да тамо побѣдимъ и мечь³ срама нашего воздадимъ! се днесъ Рускій царь во свое ему отечество отъиде и все воинство ратныхъ съ собою отведе». И собравше силу многу, приидоша въ предѣлы Великого Новаграда, достигше же плѣнующе близъ и до самого Новаграда. Слышавъ же сія христіолюбивое воинство благочестиваго царя, бывшее тогда въ Велицѣмъ Новѣградѣ, изыдоша противу ихъ и брань немалу на нихъ подвигоша и помощію Божіею нечестивыхъ побѣдиша; оставшии же убоившеся и вспять возвратишася; Русіи же полцы вслѣдъ по нихъ гоняще, непрестанно ихъ убивающе. Виде же слухъ³ побѣды сея во уши благочестиваго царя и великого князя Федора Ивановича всеа Русіи, яко нечестивіи Нѣмцы на Наугородскіе предѣлы приходиша и тамо немало время, плѣнующе, воеваша, вскорѣ посылаеть вѣкоихъ своихъ избранныхъ воеводъ и съ ними многое свое христіолюбивое воинство въ предѣлы Нѣмецкія области подъ градъ, нарицаемый Корелу. Полцы же Русіи шедше и всю Корелскую область поплѣниша и нечестивыхъ Нѣмецъ безчисленно побиха. Видѣвше же нечестивыи Нѣмцы христіолюбиваго воинства храброе опеченіе и яростное стремленіе, паче же и свою погибель предъ очима зряще, зѣло убоившеся⁶ и послаша послы къ полкомъ благочестиваго царя съ великимъ покореніемъ и пагубы своя ослабы просяще и Корелскую свою землю благочестивому царю обѣщавшеся предати. Слышавъ же сія благочестивыи полцы Русіи и мало отъ брани преставше, послаша ко благочестивому царю, возвѣщая ему нечестивыхъ Нѣмецъ рабское покореніе и Корелскія всеа области обѣтъ преданія. Царь же и великій князь Федоръ Ивановичъ всеа Русіи вскорѣ посылаеть въ Корелу царского своего синклита вѣкихъ отъ бояръ^в и повелѣваетъ тамо капища Еллинская разорити и идолы сокрушати и святые церкви воздвизати и пречистыи великія обители устроить⁴ и во всей своей богохранимой державѣ Російскаго царствія всѣхъ сущихъ обрѣтающихся отъ рода Корелского языка тамо преселати повелѣваетъ. И по его благому произволенію вся сія совершишася; отъ того же времени и донывъ Божіею благодатію во градѣ Корелѣ и во всѣхъ предѣлахъ его великое благочестіе непремѣнно, яко солнце, сіяеть. Зрите убо, каковы^г сій день постизаетъ иже ненавистію и завистію подстрекаемы^д на благочестіе дерзающихъ; пишеть бо въ Пророцѣ^е: Мнѣ мечь, Азъ воздамъ, глаголетъ Господь.

Слышавъ же сія скверны^ж песь Крымскій царь Муратъ-Кирей, яко многое благочестиваго царя христіолюбивое воинство посланно бысть Нѣмецкіе области воевати, многое же воинство оставлено бѣ и въ Великомъ Новѣградѣ и во всѣхъ предѣлахъ его въ сохраненіе отъ нашествія нечестивыхъ Нѣмецъ; бѣ же тогда Крымскій царь Муратъ-Кирей совѣтъ имѣя Свейскимъ королемъ съ Еганомъ, яко да во едино время отъ обѣихъ странъ на благочестіе ополчатся, Богу тако попустившу грѣхъ ради нашихъ, наказающе ны овогда гла-

1) времени Н. 2) безсуднаго НТ. 3) слуг Н. 4) устроими Н.

а) мечь Б. б) убоившеся Б. в) бояръ БТ. г) каковыи БТ. д) подстрекаеми БТ. е) в троице Б. ж) скверныи Б.

домъ и пагубы смертоносія, овогда огнемъ запаленія и междоусобныя брани, иногда же ино-
 племенныхъ языкъ нашествіемъ, да отвратимся отъ злобъ нашихъ. Нечестивый же царь со-
 вокупилъ силу многу ратныхъ не тоцію своихъ, но иныхъ многихъ языкъ, и поиде со мноюю
 своею суетною ратию, устремившеся, яко нѣщцы волцы зли^а, хотяще разсторгнути хри-
 стоименитое стадо словесныхъ овецъ, хваляся и гордяся^б. суетная глаголя на Бога нашего,
 и благочестиваго царя и великаго князя Феодора Ивановича всеа Русіи¹ царское и отеческое
 наслѣдіе возхитити хотяще: слышавъ бо онъ всескверный царь Муратъ-Кирей, яко благо-
 вѣрный царь и велики князь Феодоръ Ивановичъ всеа Русіи веліе благочестіе преходя и
 своими царскими непрестанными къ Богу молитвами всю богохранимую царскую державу
 въ мирѣ и тишинѣ соблюдая. Сей же окаянный царь приде вскорѣ въ Великую Росію со
 мноюю силою своею, благочестиваго же царя и великаго князя Феодора Ивановича всеа
 Русіи многія грады и великія села вскорѣ преминуя, ниже плѣнуя, ниже разоряя^в, помы-
 шляя бо въ себѣ скверный: аще ли возму царствующей градъ Москву восхитити, тогда и
 симъ всѣмъ могу одолѣти. Слышавше^г благочестивый царь и великій князь Феодоръ Ивано-
 вичъ всеа Русіи, яко безбожный Крымскій царь со мноюю силою идетъ на его царское
 наслѣдіе, оскорбися зѣло, паче же на молитву подвигся^д къ Богу, моляся сице, глаголя:
 «Суди, Господи, обидящимъ мя и возбрани борющимся со мною, пріими оружіе и щитъ и
 стави въ помощь мою и сотвори съ нами милость челоувѣколюбія твоего, якоже и древле
 при² Езекии царѣ Израилевѣ; егда на Иерусалимъ Сенахиримъ царь Асирскій хвалящеся,
 сице глаголя, въ силѣ велицей хотя разорити достояніе твое, къ сему же и хулу изрицаая
 на имя твое святое, и послалъ еси ангела своего, и уби во едину ночь отъ полка Асирійска
 185.000; также и нынѣ послѣ, Владыко, мнѣ, рабу твоему, въ помощь ангела своего и
 не попусти нечестиваго сего варвара и сушихъ съ нимъ, гордостію бѣсящихся, хвалящихся
 разорити достояніе твое, отечество мое, да не рекутъ сопротивни наши: гдѣ есть Богъ ихъ?
 но разумѣютъ во-истинну, яко Ты избавитель съ нами еси». Егда же Крымскій царь къ
 царствующему граду начатъ приближаться, тогда благочестивый царь повелѣ изрядному
 правителю и своему царскому шурина достохвалному воеводѣ прежереченному боярину
 Борису Феодоровичю вскорѣ собрати все свое христолюбивое воинство, прилучившеся тогда
 въ царской его державѣ, и къ бранному ополченію повелѣваетъ вскорѣ уготовлятися, завеже
 въ то время много воинство послано бысть въ Великій Новъградъ противъ ополченія нече-
 стиваго воинства короля Свѣйскаго, злаго совѣтника Крымскаго онаго царя, прочее же
 христолюбивое воинство благочестиваго царя въ то время по своимъ домоу пребывающе
 и нашествіе ратныхъ не вѣдуше.

Бѣ же бо сій Борисъ Феодоровичъ премудростію^е украшенъ и къ бранному ополченію
 зѣло искусенъ и во всѣхъ воинскихъ исправленіихъ непобѣдимый воевода явися: въскорѣ
 собираетъ чиновначалники и тысушники^ж и сотники и все многое людное воинство Російскаго
 царствія, прилучившеся тогда въ царствующемъ градѣ Москвѣ, да готови будутъ воспро-
 тивъ ополченія востающихъ паганныхъ варваръ; таже и устроити повелѣ въ царствующемъ
 градѣ окрестъ всѣхъ далнихъ посадовъ градъ древянъ и великіе пушки и пищали и по-
 стѣнамъ и стрѣльницамъ граднымъ повелѣваетъ уготовляти. Близъ же царствующаго града,
 яко поприща два или мало вдалѣе, повелѣ изрядный правитель Борисъ Феодоровичъ поста-

1) русіи Н. 2) во всѣхъ спискахъ пре.

а) зли Б; зли и Т. б) и гордяся и БТ. в) разорения Б; такъ было и въ Т, но исправлено.
 г) слышавъ же БТ. д) подвигся Б. е) премудростію Т. ж) тысушники БТ.